



## XALQ DEPUTATLARI ELLIKQAL'A TUMANI KENGASHINING

### QARORI

2024-yil 13-aprel

VI-73-44-13-194-K/24

Ellikqal'a tumani

#### **Ellikqal'a tumanida makroiqtisodiy barqarorlik va iqtisodiy rivojlanish bilan yangi ish o'rinlarini yaratish, aholi bandligini ta'minlash hamda aholiga qulay shart-sharoitlar yaratishni ta'minlashga qaratilgan ustuvor vazifalar to'g'risida**

Ellikqal'a tumanida makroiqtisodiy barqarorlik va iqtisodiy rivojlanish bilan yangi ish o'rinlarini yaratish, aholi bandligini ta'minlash hamda aholiga qulay shart-sharoitlar yaratishni ta'minlashga qaratilgan ustuvor vazifalar to'g'risida tuman hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari B.K.Alimovning hisobotini tinglab muhokama qilib hamda "Mahalliy davlat hokimiyati to'g'risida"gi O'zbekiston Respublikasi Qonunining 6 va 24-moddalariga asosan xalq deputatlari Ellikqal'a tuman Kengashi

#### **QAROR QILADI:**

1. Ellikqal'a tumanida makroiqtisodiy barqarorlik va iqtisodiy rivojlanish bilan yangi ish o'rinlarini yaratish, aholi bandligini ta'minlash hamda aholiga qulay shart-sharoitlar yaratishni ta'minlashga qaratilgan ustuvor vazifalar to'g'risida tuman hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari B.K.Alimovning hisoboti ma'lumot uchun qabul qilinsin.

2. Tuman hokimining o'rinbosarlari (B.K.Alimov, U.K.Rajapbayev, A.K.Seitov, U.R.Rozumov, A.D.Kamalov, A.A.Yuldasheva), tuman Davlat soliq inspeksiyasi (N.D.Abayev)larga:

hududni ijtimoiy-iqtisodiy rivojlantirish dasturiga muvofiq investitsiya loyihalarini, mahalliyashtirish dasturi doirasidagi loyihalarni amalga oshirish hisobidan tushumlarni oshirish;

tumanda iqtisodiy o'sishni ta'minlash, inflyatsiya darajasi, soliqlarning yig'iluvchanlik darajasi, soliq tushumlari prognozi bajarilishi bo'yicha belgilangan vazifalarning ijro etilishini ta'minlash;

mahallalarda (mahalla budjeti tizimi) soliqlarni yig'ish va qarzlarni undirish, banklardan kreditlar ajratish shuningdek, muammoli kreditlarning qaytarilishini ta'minlash;

tumandagi tijorat banklari tomonidan ajratilgan kreditlar evaziga ishga tushgan korxonalar tahlili bo'yicha, tumanda bo'sh turgan binolar va yer maydonlarini savdoga chiqarib, sotish choralarini ko'rish;

haftada bir marotaba tahliliy ma'lumotlar tayyorlash, yashirin iqtisodiyotga qarshi aniq zarur chora-tadbirlar ko'rish (sanoat, savdo, xizmat ko'rsatish hamda qishloq xo'jaligi sohasida);

mahalladagi xonadonlarni yer uchastkalaridan foydalanish darajasi, oilalarning daromad manbalari, daromadli mehnat bilan shug'ullanishga bo'lgan qiziqishlarini xonadonbay o'rganish va kreditga bo'lgan ehtiyojlarini yo'nalishlar bo'yicha shakllantirish;

mahallalarda mavjud tadbirkorlarning muammolarini yechishga hamda iqtisodiy o'sishning drayver sohaslarida yangi tadbirkorlik loyihalarini amalga oshirishga ko'mak berish;

tadbirkorlik bilan shug'ullanish istagida bo'lgan fuqarolarga biznes loyihalarni tayyorlashda konsultativ ko'mak berish va uni amalga oshirish jarayonlarini doimiy monitoringini qilib borish;

tumanda joylashgan bozorlardagi narx-navo barqarorligini ta'minlash yuzasidan haftada bir marotaba tahliliy ma'lumotlarni tuman hokimiga kiritib borish;

tumanda uzoq muddatga ketgan oylik maoshi kam bo'lgan fuqarolarni qaytarish hamda yuqori maosh oladigan joylarga joylashtirish choralarini ko'rish;

har bir eksportyor bilan alohida shug'ullanish va ularni muammolarini o'z vaqtida bartaraf etishda amaliy yordam berish natijasida eksport hajmlarini orttirib bajarish chorasi ko'rish vazifalari yuklatilsin.

3. Tuman hokimining birinchi o'rinbosari (B.K.Alimov), tuman hokimining o'rinbosari Oila va xotin qizlar bo'limi boshlig'i (A.A.Yuldasheva), tuman Soliq inspeksiyasi (N.D.Abayev), tuman Iqtisodiyot va moliya bo'limi (M.M.Turabayev), tuman kambag'allikni qisqartirish va bandlikka ko'maklashish bo'limi (A.T.Aminov) hamda tumandagi tijorat banklari va mahallalarga biriktirilgan hokim yordamchilari bilan birgalikda:

bank kreditlari hisobiga ishga tushirilgan va bugungi kunda past quvvatlarda ishlayotgan korxonalar bo'yicha sabablarni aniqlab, ularning to'liq quvvatda ishlashiga amaliy yordam ko'rsatish choralarini ko'rish;

kreditlarni ustuvor ravishda dasturlar bo'yicha avval kreditlardan foydalanmagan aholi va tadbirkorlik sub'ektlariga ajratish choralarini ko'rish;

sektor rahbarlari bilan birgalikda aholini ishlab chiqarish, xizmat ko'rsatish va servis, tikuvchilik, parrandachilik, bog'dorchilik, asalarichilik, chorvachilik va baliqchilik yo'nalishlarida bandligini ta'minlash yangi ish o'rni yaratish choralarini ko'rish;

oilaviy tadbirkorlik faoliyati bilan shug'ullanish istagida bo'lgan fuqarolarga imtiyozli bank kreditlarini ajratishda muntazam yordam berish;

"Temir daftar", "Ayollar daftari" va "Yoshlar daftari"ga kiritilgan fuqarolarga daromadli mehnat bilan band qilish yoki ularni doimiy mehnat bilan bandligini ta'minlash (ish o'rinlari yaratish)ga qaratilgan loyihalarga yo'naltirilishida mahallalardagi hokim yordamchisi, xotin-qizlar faoli, yoshlar yetakchilarining mas'uliyatini oshirish chorasini ko'rish;

dasturlar doirasida mahallalarga biriktirilgan hokim yordamchilarining tavsiyanomalariga asosan moliyalashtirilgan loyihalarni har oy yakuni bo'yicha maqsadligini monitoring qilib borish vazifalari yuklansin.

4. Ushbu qaror ijrosini nazorat qilish vazifasi tuman hokimining birinchi o'rinbosari B.K.Alimov hamda Xalq deputatlari tuman Kengashining Mahalliy budjet, iqtisodiy

islohotlarini amalga oshirish, investitsiyalar va tadbirkorlikni rivojlantirish masalalari bo'yicha doimiy komissiyasi raisi S.Alimov zimmasiga yuklansin.

5. Tuman hokimligining axborot xizmati rahbari T.Nurimovaga mazkur qarorni tuman hokimligining rasmiy veb-saytiga joylashtirish va ommaviy axborot vositalarida e'lon qilish vazifasi yuklansin.

6. Ushbu qaror qabul qilingan kundan kuchga kiradi.

Kengash raisi o'rinbosari



BAYNAZAROV ANVAR  
KALANDAROVICH